



Drejtoria e Përgjithshme e Standardizimit (DPS) është Organi Kombëtar i Standardeve në Shqipëri, i krijuar rreth 60 vjet më parë. Ajo përfaqëson Republikën e Shqipërisë në organizatat Evropiane e ndërkombëtare të standardizimit dhe interesat e të gjithë ekonomisë së vendit në hartimin dhe adoptimin e standardeve Evropiane e ndërkombëtare si Standarde Shqiptare. Hartimi dhe adoptimi i standardeve konsiston në nevojat që kanë ndërmarrjet prodhuese dhe të shërbimit, pavarësisht nga forma dhe madhësia e tyre, bizneset, qeveria dhe konsumatorët për t'i siguruar atyre standarde të cilat plotësojnë nevojat e tyre për cilësi dhe aftësi konkurruese më të madhe.

DPS është institucion në varësi të Ministrit të Ekonomisë, Tregtisë dhe Energjetikës (METE).

Ajo bashkëpunon ngushtë me institucionet e tjera të infrastrukturës së cilësisë në vend duke i vënë atyre në dispozicion standardet Evropiane dhe ndërkombëtare në fuqi me objektivin që infrastruktura e cilësisë në Shqipëri të kryejë funksionet e saj sipas këtyre standardeve.

Me mbështetjen e Qeverisë Shqiptare dhe me asistencën teknike të Komunitetit Evropian, DPS ka ndërmarrë dhe do të vazhdojë të ndërmarrë masat e nevojshme për të rritur rolin e saj në hartimin dhe adoptimin e standardeve për përdorim publik, informimin rreth standardeve, duke respektuar parimin e natyrës vullnetare të standardeve dhe lidhjen e tyre të ngushtë me zbatimin e legjislacionit.

DPS është institucion publik i njohur nga Shteti Shqiptar dhe në nivel Evropian e ndërkombëtar si Organi Kombëtar i Standardeve në Shqipëri në shërbim të ekonomisë dhe të të gjitha palëve të interesuara, duke i siguruar atyre standardet e të gjitha fushave me përjashtim të standardeve të fushës së telekomunikacionit.

DPS realizon shitjen e standardeve bazuar në tarifatat e miratuara nga Ministria e Financave pa qëllime fitimi. DPS është i vetmi institucion publik në Shqipëri i certifikuar sipas standardit ndërkombëtar ISO 9001:2000. Kjo do të thotë që punohet sipas një sistemi i cili kujdeset në vazhdimësi për përmirësimin e shërbimit që i ofrohet të tretëve.



Të dhëna të rëndësishme:

- DPS i siguron të interesuarve të gjitha standardet e fushave të ndryshme përveç standardeve të fushës së telekomunikacionit.
- DPS, duke konsideruar me prioritet kërkesat e ekonomisë në vend për standarde kryesisht Evropiane dhe ndërkombëtare, adopton çdo muaj, nëpërmjet Komiteteve Teknike, mesatarisht 200 – 300 standarde EN dhe ISO/IEC si standarde shqiptare (S SH) duke i vënë ato në dispozicion të të gjitha palëve të interesuara.
- DPS angazhon çdo vit mbi 400 specialiste dhe ekspertë të fushave të ndryshme si pjesë aktive e procesit të adoptimit të standardeve.
- Çmimi për një standard Shqiptar varion nga 1190 lekë - 25882 lekë dhe për bashkëpunëtorët çmimet shkojnë nga 595 lekë - 12941 lekë.
- DPS, në varësi të nevojave të tregut, rishikon politikat e çmimeve dhe ia propozon ato Ministrisë së Financave për miratim.
- Çmimet e standardeve Shqiptare (S SH) janë afërsisht sa 30% e çmimeve të standardeve ndërkombëtare.
- Si rezultat i kërkesave në rritje nga biznesi vendas për të prodhuar dhe shërbyer sipas standardeve Evropiane dhe ndërkombëtare në fuqi numri i standardeve të shitura nga viti në vit ka ardhur duke u rritur. Gjatë periudhës Janar- Mars 2010 janë shitur 432 standarde ku pjesa më e madhe e tyre janë standarde Evropiane.
- Numri i standardeve tërësisht kombëtare ka ardhur në zbritje. Gjatë tre mujorit të parë 2010 nuk ka patur asnjë kërkesë për standard tërësisht shqiptar, (vetëm S SH). Pjesa tjetër e standardeve kanë qenë S SH EN, S SH EN ISO, S SH EN IEC, S SH ISO, që do të thotë se janë të gjitha standarde Evropiane (EN) dhe Ndërkombëtare (ISO/IEC) të adoptuara si standarde Shqiptare.
- Ndër standardet më të kërkuara në botë është standardi ndërkombëtar ISO 9001 për Sistemet e Menaxhimit të Cilësisë, i cili është përdorur nga mbi 1 milion organizata në 154 vende të botës.
- Standardet më të kërkuara në Shqipëri janë standardet e ndërtimit, të naftës dhe benzinës (S SH EN 590 dhe S SH EN 228), standardet e menaxhimit të cilësisë S SH ISO 9001 dhe S SH ISO 17025 për akreditimin e laboratorëve, etj.



- DPS është anëtare pa të drejtë vote në Organizmat Evropiane e Ndërkombëtare të Standardizimit CEN & CENELEC dhe ISO.
- Në Maj 2009 DPS pranohet si Anëtare e Asociuar në Komisionin Evropian për Elektroteknikën (IEC), që do të thotë se ekonomia vendase, nëpërmjet DPS, mund të ketë të gjitha standardet e fushës së elektroteknikës që mbulon IEC. DPS është anëtare me të drejtë vote të pjesëshme (vetëm për Komitetet Teknike që merr pjesë) në IEC.
- DPS, objektiv të saj kryesor krahas të tjerave, ka plotësimin e kushteve për t'u bërë anëtarë me të drejta të plota në këto organizma dhe përmirësimin e punës së saj sipas modelit dhe praktikave më të mira Evropiane e Ndërkombëtare.

Për më tepër na kontaktoni:

Drejtoria e Përgjithshme e Standardizimit

Rruga "Mine Peza", Nr. 143/3, 1014 – Tiranë

Kutia Postare Nr. 98

Tel: +355 (04) 222 62 55

Fax: +355 (04) 224 71 77

E-mail: info@dps.gov.al

Web: www.dps.gov.al